

# Y Pwyllgor Is-ddeddfwriaeth

(SLC(3)-22-08)

SLC201

## Adroddiad y Pwyllgor Is-ddeddfwriaeth

O dan Reol Sefydlog 15.2 gwahoddir y Cynulliad i roi sylw arbennig i'r offeryn a ganlyn.

### **Teitl: Rheoliadau'r Gwasanaeth Iechyd Gwladol (Gwasanaethau Offthalmig Cyffredinol) a (Ffioedd a Thaliadau Optegol) (Diwygio) (Cymru) 2008**

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Gwasanaethau Offthalmig Cyffredinol) 1986 ("Rheoliadau 1986") a Rheoliadau'r Gwasanaeth Iechyd Gwladol (Ffioedd a Thaliadau Optegol) 1997 ("Rheoliadau 1997"). Mae Rheoliadau 1986 yn cynnwys darpariaeth ar gyfer trefnu gwasanaethau offthalmig cyffredinol o dan y Gwasanaeth Iechyd Gwladol. Mae Rheoliadau 1997 yn cynnwys darparu ar gyfer cynllun taliadau sydd i'w gwneud gan Fyrddau Iechyd Lleol ac Ymddiriedolaethau'r Gwasanaeth Iechyd Gwladol trwy gyfrwng system dalebau mewn perthynas â chostau a dynnir gan categorïau penodol o bersonau mewn cysylltiad â phroffion golwg, ac â chyflenwi, ailosod a thrwsio tecynnau optegol. Mae Rheoliad 2 o'r Rheoliadau hyn yn mewnosod diffiniad newydd yn Rheoliad 2 (1) i Reoliadau 1986 (dehongli) ac yn diwygio rheoliad 13 (cymhwysra ar gyfer profion golwg) i ddarparu y bydd person sy'n cael lwfans cyflogi a chefnogi sy'n gysylltiedig ag incwm (neu aelod o deulu'r person honno) yn gymwys i gael prawf golwg y GIG. Mae Rheoliad 3 yn mewnosod diffiniad newydd yn rheoliad 1 (enwi, cychwyn a dehongli) i Reoliadau 1997 ac yn diwygio rheoliad 8 (cymhwysra - cyflenwi tecynnau optegol) i ddarparu y bydd person sy'n cael lwfans cyflogi a chefnogi sy'n gysylltiedig ag incwm (neu aelod o deulu'r person hwnnw) yn gymwys i gael taleb mewn perthynas â theclyn optegol.

#### **Gweithdrefn : Negyddol**

Gwahoddir y Cynulliad i roi sylw arbennig i'r offeryn hwn ar y seiliau a nodir yn Rheol Sefydlog 15.2 (viii) (ei fod yn defnyddio iaith ryw-benodol)

Mae Rheoliad 2 (3) (b) (sy'n diwygio Rheoliadau 1986), is-baragraffau (o) a (p) yn y drefn honno sydd i gael eu mewnosod, yn defnyddio iaith ryw-benodol:-

Mae Rheoliad 2 (3) (b) (o) yn darllen "**he** is in receipt of income-related employment and support allowance" ac mae (p) yn darllen "**he** is a member of the same family as a person in receipt of income-related employment and support allowance".

Mae Rheoliad 3 (3) (b) (sy'n diwygio Rheoliadau 1997), is-baragraffau (o) a (p) yn y drefn honno sydd i gael eu mewnosod, yn defnyddio iaith ryw-benodol:-

Mae Rheoliad 3 (3) (b) (o) yn darllen "**he** is in receipt of income-related employment and support allowance" ac mae (p) yn darllen "**he** is member of the same family as a person in receipt of income-related employment and support allowance".

Cynghorwyr Cyfreithiol

## Y Pwyllgor Is-ddeddfwriaeth

Hydref 2008

### **Mae'r Llywodraeth wedi ymateb fel a ganlyn:-**

#### **Rheoliadau'r Gwasanaeth Iechyd Gwladol (Gwasanaethau Offthalmig Cyffredinol) a (Ffioedd a Thaliadau Optegol) (Diwygio) (Cymru) 2008**

Mae'r Llywodraeth yn derbyn bod y diwygiadau i Reoliadau'r Gwasanaeth Iechyd Gwladol (Gwasanaethau Offthalmig Cyffredinol) 1986 a Rheoliadau'r Gwasanaeth Iechyd Gwladol (Ffioedd a Thaliadau Optegol) 1997 a wneir gan y Rheoliadau hyn yn y testun Saesneg yn cynnwys iaith rhyw benodol.

Er hynny, drafftwyd y diwygiadau ar y sail hon er mwyn sicrhau na fyddai unrhyw amheuaeth ar y darpariaethau sydd eisoes yn bodoli yn y ddwy set o Reoliadau.

Cydnabyddir wrth gwrs ei bod yn bosibl gwneud diwygiadau niwtral o ran y rhywiâu i offerynnau cyn cyfnod datganoli, ond nid yw'n bosibl gwneud hynny ym mhob achos heb wneud diwygiadau sylweddol i'r testun ac nid oedd amser yn caniatáu hyn o dan yr amgylchiadau ar gyfer yr offeryn presennol.

Mae'r ddau reoliad sef rheoliad 13(2) o Reoliadau 1986 a rheoliad 8(3) o Reoliadau 1997 yn cynnwys rhestrau o bersonau sydd â hawl i gael buddiannau penodol o dan y GIG. Mae'r ddwy set o Reoliadau wedi'u drafftio mewn iaith rhyw benodol yn Saesneg (yn unol â y

darpariaethau Deddf Dehongli 1978) a byddai ychwanegu cofnod sy'n cyfeirio at "he or she" at restr sy'n cynnwys "he" yn unig yn debygol o beri dryswch i ddarllenydd llewg ynghylch cymhwyster y darpariaethau sydd eisoes yn bodoli.